

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A**

**Broj : T04 0 KT 0055713 25
Zenica, 04.11.2025. godine**

**OPĆINSKOM SUDU U ZENICI
- Sudiji za prethodno saslušanje -
ZENICA**

Na osnovu člana 45. stav 2. tačka h)., i člana 241. stav 1. ZKP-a F BiH, p o d i ž e m

O P T U Ź N I C U

Protiv :

- 1. Sh. A.,**
- 2. K. M.,**
- 3. M. A.,**

Što su:

- Sh.A., sam

Tačno neutvrđenog dana u mjesecu julu 2021. godine, na području grada Z., nakon što je od MUP-a ZDK, zaprimio Obavijest o počinjenom saobraćajnom prekršaju broj od 02.07.2021. godine, u ovoj Obavijesti, lažnim podacima popunio rubriku: „Pod punom materijalnom, krivičnom i drugom odgovornošću izjavljujem: da je u vrijeme činjenja prekršaja mojim vozilom reg. oznaka ... upravljao/la (ime i prezime, ime oca, datum rođenja) K. Š. adresa i kontakt telefon JMBG:“, te lično potpisao ovakvu lažnu izjavu, iako je znao i bio svjestan da na ovaj način dovodi u zabludu ovlaštene službene osobe i da u ovoj javnoj ispravi upisuje netačne podatke, a što je i htio,

- K. M., sama

Dana 14.09.2022. godine, na području grada Z., nakon što je od MUP-a ZDK, ... zaprimila Zahtjev za dostavu podataka o identitetu lica koje je upravljalo njenim vozilom reg. oznaka ..., broj ... od 07.09.2022. godine, u ovom Zahtjevu, lažnim podacima popunila rubriku: „IZJAVA, pod punom moralnom, materijalnom, prekršajnom i krivičnom odgovornošću IZJAVLJUJEM da je navedenim vozilom registarskih oznaka ... u vrijeme činjenja opisanog prekršaja upravljao Š. K. sa JMBG:, vozačka dozvola broj izdata od Z., nastanjen u ulici/mjestu J., grad/općina Z., u grad/općina Z. dana 14.09.2022. godine, potpis K. M.“, te lično potpisala ovakvu

lažnu izjavu, iako je znala i bila svjesna da na ovaj način dovodi u zabludu ovlaštene službene osobe i da u ovoj javnoj ispravi upisuje netačne podatke, a što je i htjela,

- M. A., sam

Dana 06.09.2023. godine, na području grada Z., nakon što je od MUP-a ZDK, ... zaprimio Zahtjev za dostavu podataka o identitetu lica koje je upravljalo njegovim vozilom reg. oznaka ..., broj od 24.08.2022. godine, u ovom Zahtjevu, lažnim podacima popunio rubriku: „IZJAVA, pod punom moralnom, materijalnom, prekršajnom i krivičnom odgovornošću IZJAVLJUJEM da je navedenim vozilom registarskih oznaka ... u vrijeme činjenja opisanog prekršaja upravljao Š. (H.) K. sa JMBG:, vozačka dozvola broj ... izdata od MUP ZDK, nastanjen u ulici/mjestu J., grad/općina Z., u grad/općina Z. dana 06.09.2023. godine, potpis (nečitak)“, te lično potpisao ovakvu lažnu izjavu, iako je znao i bio svjestan da na ovaj način dovodi u zabludu ovlaštene službene osobe i da u ovoj javnoj ispravi upisuje netačne podatke, a što je i htio,

čime su počinili po jedno krivično djelo ovjeravanje neistinitog sadržaja iz člana 375. stav 1. KZ F BiH.